



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Expositio Cavsarvm Quibus S. R. M. Sveciae bellum à
Rege Regnoque Daniae sibi illatum, etiam post Pacem
Roschildiae initam, continuare coacta fuit**

Coyet, Peter Julius

[S.l.], 1658

Lit. B. Declaratio Regis Daniae ad Propositionem Ablegati Anglici.

urn:nbn:de:hbz:466:1-10534

2.
venere; Atq; ejus nomine fidem Majestati Vestrae facerem, quod quantum praefata
sua Celsitudo apud Regem Sueciae poterit, omnem huic rei impendet operam, ut
Majestatem suam in idem studium pacis disponere possit, quem in finem Ablega-
tum suum Extraordinarium jam ad Eum misit. Quod si haec Serenissima Sua
Celsitudinis mediatio atque interpositio à Majestate Vestra admittatur, cum om-
ni æquanimitate atque indifferentia in hoc negotio se geret, nec non serio cona-
bitur, ut pax hæc quæ favente Deo utrinque restabilienda erit, firmiter atque invio-
labiliter observetur. Hæc habui à parte Sereniss. suæ Celsitudinis Majestati Ve-
stræ proponenda, ad quæ maturum Majestatis Vestrae responsum suppliciter rogo,
ut quid certi de iis ad Serenissimum Dominum meum possim scribere.

Hafniæ. Septemb. 13. 1657.

Lit. B.

Declaratio Regis Daniae ad Propo- sitionem Ablegati Anglici.

Serenissimus ac Potentissimus Daniae, Norvegiae, Vandalorum, Gothorum-
que Rex, Dominus noster Clementissimus ex propositione iterata Serenissimi
ac Celsissimi Reipublicae Angliae, Scotiae & Hyberniae Protectoris Nobilif-
simi Domini Ablegati Extraordinarii Philippi Medovii coram intellexit, quam
gravi dolore bellum nuper inter suam Reg. Majestatem & Regem Sueciae coor-
tum sua Serenissima Celsitudo perceperit; quibus argumentis prægnantibus pa-
cem ac concordiam suadere ac quanto ardore belli infinita incommoda, inter reli-
gionis communi ac sanguinis vicinitatisque vinculo conjunctissimos Reges, aver-
tere studeat, suamque mediationem hunc in finem offerat; Et quanquam prædicta
sua Reg. Majestas Dominus noster Clementissimus has in bello orientes miseras
mature secum perpenderit & semper summa cura sinceram stabilemque cum om-
nibus præcipue Regnis vicinis, Amicis ac Confœderatis concordiam ac amicit-
tiam conservare studuerit, extrema tamen urgente necessitate, post intolerabiles
inurias ac varia damna illata, spretisque à Suecis æquissimis pacis conditionibus
ad arma arripienda compulsa, nihilominus in limine belli hoc sibi proposuit, pro-
ptereaque arma suscepit, ut per illa tam suæ Reg. Majestati quam omnibus acco-
lis maris Balthici, ad commerciorum & navigationis libertatem sincera tuta ac se-
cura pax reducat, neque quicquam hæcenus prætermisit, quo tam salutare pacis
negotium promoveatur. Et cum Serenissima sua Celsitudo singulare quodam studio,
prudencia & animi magnitudine, suam interpositionem ac mediationem ad componen-
das has lites & controversias inter hæc regna Septentrionalia offerat, seq; cum omni
æquanimitate atque indifferentia in hoc negotio gerere velle promittat, Seren. Suae
Reg.

Reg. Majestati hæc cura pro tranquillitate Regnorum suorum, Evangelicorum inter se concordia ac commerciorum libertate, gratissima omnino est, & uti Serenissima Sua Celsitudo haud parum Suæ Reg. Majestatis Domini nostri Clementissimi animum sibi novo hoc amicitia officio pacis restaurandæ devinxit, ita grata mente hanc operam agnoscet, & ob allegatas rationes, ad istius modi tractatus pacis securæ, honestæ, firmæ, ac inviolabilis sub interpositione Sereniss. Suæ Celsitudinis consentit, quam primum vero altissime memoratæ suæ Regiæ Majestati innotuerit, Serenissimum ac Potentissimum Sueciæ Regem ad hoc pacis negotium pari studio collinare, ratione temporis, loci ac modi tractatus plurius mentem suam explicabit. Quod ad speciale mandatum Serenissimæ Regiæ Majestatis Domini nostri Clementissimi Nobilissimo Domino Ablegato Extraordinario ad ea, quæ ore tenus proposuit ac in scriptis exhibuit loco responsi Regii, sub Sigilli Suæ Regiæ Majestatis impressione exhibitum.

Hafniæ XXV. die Septembris Anno 1657.

Lit. C.

Sacra Regiæ Majestatis Sueciæ, Regis ac Domini nostri Clementissimi declaratio Sereniss. & Celsiss. Protectoris Reipubl: Angliæ, Scotiæ, & Hybernæ Extraordinario Ablegato data, qua Serenissimæ ejus Celsitudinis oblata mediatio ad Danicos hosce motus sedandos acceptatur. Data VVismariæ die 19. Octob. 1657.

Serenissimæ Regiæ Majestati Sueciæ tum è literis Serenissimi & Celsissimi Protectoris Reipubl: Angliæ, Scotiæ & Hybernæ, tum è nuperrima ejusdem Sereniss. Celsitudinis Extraordinarii Ablegati Nobiliss. Dn. Guilielmi Jephsonii propositione, probe innotuit, quanta cum perturbatione ac animi dolore Sereniss. Ejus Celsitudo exortos hosce inter R. M. Sueciæ & Regem Daniæ belli motus perceperit, quanta cura & sollicitudine tranquillitatem & pacem septentrionalibus hisce Regnis promotam & restitutam cupiat, ac quemadmodum ad pristinam amicitiam & bonam correspondentiam inter alte memoratos Reges, Sanguinis, Religionis, vicinitatisq; arctissimo nexu conjunctissimos conciliandam ex singulari in S. R. M. Sueciæ affectu, & rem communem studio omnem suam operam conferre, & interpositionem amicabilem offerre voluerit. Non potest quidem S. R. M. satis conqueri de summa sibi injuria, Regniq; suis à Rege Daniæ illata; Quod ille contra omnia gentium jura, contra pacta conventa, & fidem sanctissime